

欽定剿平三省邪匪方略

欽定剿平三省邪匪方略正編卷四十八

丁巳年

八月二十日

丙辰

額勒登保福寧奏

臣

等前因

察看道路惟懷抱窩一路尙可進攻隨即搶上山麓拏卡二處竊意賊匪必思下撲當卽分兵層疊埋伏乃三四日內絕無動靜自應亟圖進取初六日

臣

等就附近營卡抽調官兵定於次日進攻其第一層腰帶巖及三岔溪等處本屬

難上但亦可聲東擊西使賊不能兼顧隨商同成德帶領官兵於此一帶虛作進攻之勢牽掣

賊人

臣

等於初七日四鼓帶領綸布春等由懷

抱窩進攻賊匪於半山之中紮有卡座堆積木

石以備抵禦

臣

等因先派奮勇弁兵於昏黑中

三五分散陸續密上並攜帶竹篠樹枝隨處分

插將點燃火繩頭懸掛間放鳥鎗誘使知覺卽

行避回該匪等果卽驚慌堆放滾木擂石不止
天甫黎明我兵鼓勇搶上賊匪措手不及亡命
爬坡我兵鎗箭齊發斃賊紛紛卽搶佔賊卡三
座懷抱窩山頂之賊聚衆下撲勢甚猖獗大合
山一帶對面山坳經臣等令富森布設有礮位
屢經轟擊官兵等奮力搶擊連斃穿白袍賊二
人割獻首級十一顆賊匪始行退却我兵急欲

乘勢搶至山嶺而山勢愈上愈陡賊匪用石塊
飛擲實有不能存立之勢把總馬定元用矛連
斃二賊猝被石擊殞命土守備喇卜達先經殺
賊割獻首級亦被擊傷

臣

等隨督令官兵一面

卽於半山拏卡四處賊匪於是夜復來攻撲數
次被鎗礮擊退初九日相度形勢又接遞拏卡
三處賊人未敢下撲現在緊要坡坎均已截堵

臣等或誘其下山痛剿或另設法上攻務期趕
緊捕獲首逆

同日宜綿惠齡奏言查賊匪因官兵追剿緊急
計圖搶占石埡子恃險屯紮經該處鄉勇施放
滾木擗石匪衆不能直上遂由毛埡子翻山逃

至太平縣屬白楊廟一帶盤踞

臣

惠齡同恒瑞

慶成等趕至金竹山地方正在督兵攻擊詎賊

情狡獪異常一面率衆抗拒官兵另分一股約計四五百人繞由白楊廟小路攻撲太平該處本無城垣僅有新築土牆一道防兵又屬無多

臣

宜綿先經咨會副都統碩雲保並飛飭川北道李鈺趕緊團練鄉勇預爲防範旋經碩雲保等派令遊擊謝開先等率領兵勇駐防縣治北面之後山頂千總李春先等帶領兵勇防守縣

治西面之蓋家坪以爲犄角之勢八月初一日
黎明匪衆由高坡子天馬山快活坪分作三路
搖旗吶喊直逼城下叅將永明都司李廷臣署
知縣鍾燾雲等俱各鼓勵兵勇鎗礮箭石齊發
砲雲保力疾督戰自卯至未斃賊二百餘人永
明李廷臣俱各射死騎馬執旗賊目一名賊匪
並不稍退李鉉激勵城中民人曉以大義俱各

攜持磚石上城奮勇拋擊賊衆爲之奪氣又有
派防白沙河之知州王嘉猷率同投効從九品
職銜王恒帶領鄉勇趕來援剿謝開先李春先
等亦率兵勇由蓋家坪後山頂兩路壓下碩雲
保卽派李廷臣等帶兵由北門衝出分投截殺
賊匪腹背受敵力不能支始紛紛逃竄我兵乘
勝追剿殲戮賊匪五六百人生擒七十九名知

周王嘉猷號騎校巴哈布千總李春先從九品
臧銜王恒俱因奮勇殺賊陣亡兵勇亦間有傷
損餘匪逃至石關子一路適柯藩帶兵趕到復
又截殺一陣斃賊多名其白楊廟一帶屯聚賊
匪經臣惠齡同恒瑞慶成督率巴圖魯侍衛鎮
將等連日攻剿殲戮二三百名餘匪乘夜奔潰
與石關子竄匪接應合夥逃赴絲羅壩石窩場

蘭草溝油坪一帶屯紮查該處路通西鄉又與
巴州東鄉接壤賊匪非圖竄往陝西卽欲與方
山坪會合或折回東鄉滋擾必須設法遏截

臣

惠齡同恒瑞慶成等卽督兵向北由亭子廟一
帶繞往賊前兜剿遏其赴陝竄路

臣

宜綿復飛

飭總兵富爾賽等暫在東鄉境內分佈防堵偵
探賊蹤相機剿殺至于竄聚白巖山新起之賊

經舒亮穆克登阿等連次分兵攻擊賊勢漸形

畏懼間有逃出自首者

臣

宜綿委員訊明實係

被脅之徒卽行釋放連日自賊巢陸續散出者

已有三四百人均經妥爲安插一面仍督飭舒

亮穆克登阿等趕緊剿辦其大寧縣屬黑樓門

等處響應匪徒前經官兵剿殺俱與徐添德等

合夥同逃現在大寧一帶道路廓清

臣

宜綿現

飭百祥朱射斗竭力進攻方山坪屯聚賊匪並
飭道員石作瑞知州崔特峯候補知州劉清等
添募精壯鄉勇隨同官兵分據險要臣宜綿現
在帶兵移駐胡家場策應各路總視首逆所在
相機剿殺設法擒拏

宜綿又奏言臣接准汪新咨會楚省地方現有

三路官兵剿捕需糧甚繁咨商籌撥臣查川省

軍務雖尙未竣但楚北現在立等接濟自應不
分畛域設法籌撥前據明興及總理糧餉司道
等稟報業已陸續運赴楚省軍糧三千餘石

臣

卽札令再行趕緊撥運務須湊足三萬石之數
以裕兵食其餘軍火等項如有須川省接濟之
處亦卽飭由夔州一路酌量運供再查夔州各
屬與達州巴州均係接壤凡被邪匪蹂躪處所

臣宜綿隨時分飭各總理道府等將各路被難
良民實力招徠妥爲撫輯至賊匪未靖地方亦
就百姓逃避之處爲之搭棚棲止一律散給口
糧察看民情俱屬鎮靜均奏入

上命軍機大臣傳諭宜綿額勒登保福寧惠齡曰懷
抱窩一路山勢險峻額勒登保等派兵埋伏賊匪
狡譎異常不肯下山實爲可惡復經設計攻擊搶

占賊卡賊匪潰敗所有打仗陣亡之把總馬定元
著咨部加一等優卹此次剿殺賊匪雖爲數無多
亦未拏獲賊首然該處山勢陡險仰攻較難自不
能不稍假以時日額勒登保等務當倍加感奮乘
此賊匪窮困之時拏獲首逆毋任再有竄逸至攻
撲太平縣治賊匪經宜綿督率官兵擊退而白楊
廟之賊亦經惠齡等帶兵截殺餘匪奔潰其白巖

山新起之賊漸形畏懼多有投出宜綿等正可乘
勝進剿毋使竄入陝境或與方山坪合夥此次保
護太平縣治及打仗出力文武員弁著宜綿等咨
部議敘其殺賊陣亡之知州王嘉猷驍騎校巴哈
布千總李春先從九品職銜王恒俱著咨部加一
等優卹並查明王嘉猷子嗣於服闋襲職時送部
引見又協濟楚省糧石自應如此辦理宜綿務飭

令承辦各員趕緊辦運勿誤要需

二十一日丁巳景安奏言查襄陽宜城賊匪經官

兵剿敗西向穀城一帶奔竄明亮德楞泰等帶

兵馳往追至耗子溝地方正遇賊匪剿殺甚多

餘匪向金牛寺一帶奔逃臣恐賊匪被剿窮蹙

四竄復令愛星阿帶領索倫官兵四十九員各

並綠營兵一千名前往隆中邀擊以截賊匪回

窺襄陽之路

臣

俟不拘何路兵到立即帶往策

應連日據報山東直隸官兵分起已入豫境陸

續前進山西官兵暨吉林索倫勁旅自必接踵

而至糧餉軍需均關緊要其隨營軍裝必須驟

頭馱運

臣

到襄陽查詢該道府所辦驟頭尚未

到齊爲數亦少業經汪新咨會山東山西二省

代雇

臣

亦飛飭河南司道一體酌量趕雇協濟

倘臨期不能到齊卽令多備人夫搭配滾運

臣

俟將穀城一股賊匪辦盡各路官兵到齊料理
妥協再行取道會剿奏入

上命軍機大臣傳諭明亮德楞泰景安泰承恩曰前
因明亮等剿散宜城賊匪後未將如何截剿之處
詳悉具奏竟似在彼坐待新兵今據景安奏到情
形賊匪竄至穀城一帶復經明亮等在耗子溝剿

殺殲賊甚多是明亮德楞泰已追躡賊蹤上緊截
剿所辦尙是但尙未據明亮等奏至自因未暇發
摺之故至穀城地接鄖陽距陝甚近恐賊匪經官
兵追剿復思竄至陝西邊界秦承恩務卽探明賊
蹤如果向西竄近卽可迎頭截剿景安籌辦軍裝
糧運一切妥善而防堵尤須嚴密勿令賊匪竄豫
爲要

二十二日

戊午

汪新奏言

臣

接據竹山縣初二日

稟報前由房縣竄至賊匪經鄉勇設計在鐵峪
河截擊溺斃甚多賊卽敗向花園溝三溪溝等
處潛匿當卽傳集紳勇分投追捕施放火彈火
毬燒死多賊卡首杜正甫武生宋連陞戶書劉
一鶴等生擒賊匪三名訊據供稱姚之富一營
不過五六千人齊王氏同王三槐一營有六七

千人該犯等係在姚之富營內餘無要供業卽
正法續據該縣初四日稟報賊匪約有千餘人
竄入竹谿縣境之橫塘山因聞該處鄉勇堵守
嚴密不敢前進卽在全河地方潛匿經派往追
捕之營弁黃富國郭成林等督率鄉勇上山瞭
望見全河兩岸皆山賊匪潛伏山溝隨卽分派
兵勇暗堵兩頭卽於兩岸山坡大施鎗礮並拋

擲火毬石塊立斃賊匪三百餘人因西頭鄉勇
數少力薄餘賊冒死衝出向火燒坪小河口一
帶晝夜奔逃經義首文生許必銘武生魏正青
常學中偵知來路告於大荒山溝設伏適外委
郝宗德帶兵三十名義首涂文經會紹緒各帶
健勇五百餘名自後追剿賊匪祇顧西奔至大
荒山溝該義首等舉放號礮伏勇齊出鎗礮火

毬同時並發燒斃賊匪過半並獲鍋帳器械甚多餘賊三四百人仍由花園溝一路奔逸現卽

帶領得勝兵勇協力追剿並知會竹谿宗令督

勇追截等情

臣

查竹山竹谿二邑義首鄉勇齊

心用命而該令范繼昌宗超海調度亦頗得宜

此次更能設計奮勇叠殲賊衆實堪嘉尙

臣

現

將各義首分別賞給頂戴其出力兵勇賞給銀

牌花紅以示獎勵而昭激勸

臣

思此時竄擾南

漳襄陽賊匪聞知大兵卽日雲集或希竄入川

陝境內已飛咨秦承恩囑其帶兵迅於邊界擇

要駐守又慮鄖陽境內濱漢一帶雖經集勇設

卡嚴防偷渡但該守王正常現赴房縣等處率

勇堵剿復飛飭漢黃道張道源星馳赴鄖實力

巡察再查官兵剿捕以來應需解運人夫等項

俱於南岸無事之區分派辦應此時賊匪竄至
南漳宜城等處悉係漢江南岸逆氛所及村落
爲墟居民亦多遷避雇集人夫殊非易易

臣思

軍行負運鍋帳等物用夫不如用騾核計一騾
負重可抵人夫數名之力需費亦約畧相仿楚
省土騾土馬先經購買殆盡現已飛咨陝省代
買騾一千頭山東山西二省買騾各八百頭豫

省買騾二千頭迅速解楚以資隨營負重之用
又湖南省派撥兵一千五百名來北協堵前擬
分撥歸州竹山竹谿駐守日內探知巴巫一帶
防守尙嚴川匪未能下竄現在景安等軍營兵
力本單已飭令原帶長沙協副將滿倉管領兵
五百名前赴景安處聽候調遣

同日觀成劉君輔奏言

臣

劉君輔於寶塔書莊

坪一路帶兵乘勝追剿沿途搜獲藏匿餘匪大
寧邊境肅清十六日適鎮臣馬瑀回抵大寧
等探得奉節黑樓門之賊竄回雲開一帶忽聚
忽分卽囑令馬瑀將所帶官兵六百名分割青
莊坪大寧寶塔聯絡控制臣劉君輔抽帶官兵
馳抵軍營查老木園綿長三十餘里周圍約五
六十里而輻頂一山尤爲突兀險要賊匪因官

兵節次痛剿退守負隅二十二三等日

臣等

親督率兵弁悉力攻撲並用礮轟擊連斃賊匪
數十人賊匪拋擲木石施放鎗礮兵勇連日仰
攻未能得手賊匪復於附近之大竹溪飛沙嶺
及後山之樵風洞柏樹巖一帶連紮木城石卡
挑挖深濠節節準備必須另行踣路方可攻取
查箐林口一山與老木園後山緊接若將此處

奪占則可進搗中堅二十八日三鼓乘霧雨迷

漫派令協領蘇勒芳阿遊擊楊洪新等帶領兵

勇從關廟進攻大竹溪遊擊朱進廷署都司李

寅等帶領兵勇從竹溪進發次日黎明

臣觀成

從蜈蚣嶺督催各路將備進攻牽綴賊勢

臣劉

君輔率同鎮

臣

徐昭德及遊擊愛隆阿等帶領

兵勇從關廟繞至箐林口時值霧雨未止山徑

險滑我兵人人奮勇攀巖附葛魚貫競進守備
劉順把總李翠郭常泰等首先搶上箐林口奮
力砍開木城拋擲火彈將窩棚燒燬賊匪驚慌
失措我兵奮力砍殺斃賊二十餘名乘勢搶上
柏樹巖當有賊匪百餘人蜂擁抗拒我兵勇氣
百倍刀矛相接殺賊五六十名遊擊阿隆阿把
總江永輝柳夔均經受傷生擒裴志道龍士元

潘起向國林四名

臣

劉君輔見山徑深邃險窄

樹木叢雜慮有暗伏卽于柏樹巖箐林口伐木

紮卡扼要暫駐隨提活賊審訊據供係老木園

附近居民從教入夥現在陳崇德夥黨不過一

千七百人近見官兵攻剿緊急於各處山頭路

口堆積滾木播石婦女都派出守卡專等外邊

接應等供當將該犯等寸磔

臣

等卽令徐昭德

於蜈蚣嶺駐紮兜擒夾擊伏思此間賊匪無多
剿辦日久未能迅速蔽事實屬愧懼無地現在
悉力籌辦以期迅搗賊巢殲擒首夥卽馳赴宜
綿軍營幫同剿辦

同日秦承恩奏言

臣

因川楚各軍營拏獲奸細

均有仍欲由陝赴豫之供諄飭鎮道等添撥兵
勇親赴各要隘防範茲據漢興道文需稟稱本

月初六日賊匪竄入西鄉邊界三花灘該道帶同西鄉縣知縣文在人縣丞湯安泰督率鄉勇義首人等馳赴降渡山堵截都司蘇維龍亦同時帶兵趕到賊匪知有準備退至牡丹園該道等連夜追往初七日黎明趕至牡丹園山梁見賊匪約八九百人正在焚掠滋擾該道等分帶吳勇由兩路山梁壓下奮力衝擊賊衆登時潰

亂殺死賊匪六十餘名生擒受傷賊匪二名餘
賊向井泉子奔逃我兵隨後掩殺賊匪仍向西
竄回通江之石子壩該道等卽將兵勇紮住井
泉子兩面山梁嚴密防堵均奏入

上命軍機大臣傳諭惠齡觀成汪新曰汪新奏賊匪
由房縣竄至竹山竹谿二邑該處義首鄉勇齊心
用命該令范繼昌宗超海又能設計奮勇疊殲賊

衆俱屬可嘉所有出力文武各員并著咨部議敘
其卡首義首等俱酌量分別賞給頂戴以示獎勵
現在漢江一帶有景安秦承恩於上下游擇要防
堵汪新又派道員張道源前赴鄖陽在漢江北岸
往來查察賊匪自不能再竄入陝豫二境現據秦
承恩奏川省竄匪逃入西鄉邊界經該處文武各
員帶兵截殺未能闌入陝境辦理亦好但此股賊

係惠齡恒瑞慶成等在大寧剿敗之賊現經陝省
官兵堵截惠齡等正可帶兵追擊上緊殲擒毋致
再有他竄至觀成等自圍攻老木園以來已經數
月今據奏到情形仍不過奪據箐林口賊巢而所
殺賊匪爲數亦屬無幾殊不滿意現在賊匪要隘
已經官兵奪占賊卡僅餘三處賊數不過千餘觀
成等豈尙不能奮勇進剿尅期蕝事耶

二十三日已未明亮德楞泰奏言賊匪前在獨樹

塘地方經官兵擊敗折回西南仙女山丁家集

一帶竄走臣等察其路逕似欲竄往南漳但據

屢次獲犯僉稱賊人總思北渡襄江竄入豫省

是折赴南漳形跡竟欲將官兵誘入山內以便

乘間出山赴江岸搶渡奔竄臣等再四熟籌此

時賊衆路歧與其竄越江岸不如逼向西南山

內可以扼險截剿況賊人狡詐異常萬一官兵

跟蹤緊擊其前隊之賊或又分股折竄江岸踞

淺偷渡轉墮賊人奸計

臣

當飭守備馬應國等

自丁家集緊跟賊匪前進踞看趨向一面令鎮

臣長春副將劉廷基等帶兵二千名先由襄江

南岸進發以安沿江各市鎮民心卽一路馳赴

穀城幫同原任總兵彭之年扼要防堵

臣

等卽

由隆中石牌嶺前進途中據馬應國稟報並據
拏獲哨探賊人供稱賊匪自丁家集西竄後果
卽由石廟等處北走欲焚擾茨河鎮搶船直渡
襄樊上游商民殷庶臣等聞信後連夜前進十
二日午刻行至茨河鎮正值賊人自西南一帶
焚擾出山該處居民甚形惶恐臣等當將兵丁
在市鎮前山梁紮住察看地勢東面楓樹壩一

處爲達茨河鎮後路要隘西面耗子溝一處爲
達石井沖江岸要隘官兵由此兩路進發則可
絕其北竄並可兩面夾擊

臣

明亮同興肇副都

統阿哈保帶領巴圖魯侍衛將弁等由楓樹埡

一路進剿

臣

德楞泰同惠倫達音泰帶領巴圖

魯侍衛將弁等由耗子溝一路進剿其時賊匪
已由南子山直衝楓樹埡前來約六七千人內

衝先騎馬之賊約七八百名吶喊搖旗肆無忌

憚臣明亮當同興肇將埡口左右山頭紮住賊

入捨命撲上三次官兵礮擊箭射奮力壓剿擊

斃賊匪甚多西面耗子溝一路亦有賊六七千

人衝撲臣德楞泰同惠倫達音泰率兵排列山

頭賊人撲上山坎達音泰手射二賊賊勢稍却

惠倫同巴圖魯侍衛率領滿漢馬兵皆先下壓

衆兵並進

臣

明亮興肇又自楓樹埡追擊前來

兩面夾攻痛加剿殺惠倫阿哈保達音泰率領

三省墨爾根官兵衝進賊隊各射賊一二名二

三名不等共殺賊七入百名生擒劉登發等二

十九名賊人捨命逃向金牛寺時天色已晚官

兵紮住石井沖次日

臣

等復率兵進剿賊人向

枯樹溝屏風寨一帶奔往穀城廟灘該處亦屬

臨江市鎮一面飭長春率兵移駐一面飭步隊

兵丁自石井沖沿江進發

臣

等帶領馬隊兵丁

跟蹤追殺沿途殺斃多賊追至茅坪村前隊賊

人正在炊食官兵從林內抄出截殺攻其不備

賊人潰亂奔逃官兵分投擊殺斃賊四百餘人

生擒袁萬相等二十七名搜出被擄男婦一百

七十三名口訊係逼脅入夥均發交地方官管

押保釋至袁萬相等犯逐加研訊據供均係從
教多時隨同焚掠袁萬相劉登發二犯係偽封
副帥首先臨陣指揮尤爲可惡卽分別斬梟
剗查此股賊匪總思搶越襄江前入豫境現屯
穀城之南新店子等處臣等因沿江一帶最關
至要恐其乘虛竄渡必須自北攔截現在所帶
官兵已抵花石嶺地方並恐該匪竟奔均州竹

山竹谿一帶希圖闖入陝境前已咨明秦承恩
截留官兵在陝省邊界防堵臣等日內連得勝
仗士氣倍增卽當乘勝截擊務使逼向一處並
力圍剿以期先擒首逆早慰

聖心奏人

上命軍機大臣傳諭明亮德楞泰曰明亮等奏迎擊
北竄賊匪情形所辦深爲可嘉昨據景安奏穀城

一帶竄聚賊匪經明亮德楞泰帶兵追剿殲賊甚多而未據明亮等奏報正切懸盼今據奏到兩次殺賊共有千餘官兵大得勝仗賊匪竄至穀城南新店子等處屯聚明亮等自北攔截扼要防禦並於沿江一帶派兵防堵賊匪不能偷渡北岸竄入豫境調度俱合機宜明亮德楞泰俱著加恩賞用紫韁以示優獎仍各賞給洋鑲盒松石鼻烟壺大

小荷包與肇惠倫阿哈保達音泰長春著各賞瑪瑙鼻烟壺大小荷包以示獎勵其探聽賊信之守備馬應國跣探迅速官兵得以預行截剿著以應陞之缺陞用至賊匪竄至穀城之南新店子後是否卽在該處屯聚抑又向何方奔竄著明亮等將賊匪竄聚確蹤及如何攔截兜剿之處卽行馳奏

二十四日

庚申

河道總督李奉翰奏言竊

臣

前奉

諭旨令駐劄南陽豫楚交界地方防堵茲於八月十

六日接景安札知賊匪現在穀城金牛寺一帶

查穀城與北岸光化僅隔一江是以臣取道鄧

州馳抵楚境光化縣沿江之老河口該處爲沿

江要鎮居民商賈見有官兵駐守更爲寧貼其

光化迤西之草皮灘小江口等處切近均州景

安派有遊擊揆明臣添委遊擊周龍章帶兵會

同防守光化迤東之滑口灘仙人渡等處派有
都司蘇大雄等帶兵防禦各該處亦極安靜所
有直隸兵一千名昨因景安需兵會剿已將頭
二起兵五百名調赴襄陽其餘五百名並

臣標

兵丁分派沿江要隘之處惟江岸綿長以一千
餘名兵丁沿江分派未免稍單當飭令南陽府
鄧州上緊挑選熟練鄉勇派令原領鄉勇之生

監等帶赴江岸隨同官兵協力巡防臣會晤張

文奇復將擇要設卡各事宜面商布置務期聲
勢聯絡防禦周密不敢稍有疎懈其南岸船隻
早經景安提禁北岸甚爲嚴密奏入報

聞

二十六日壬戌惠齡恒瑞慶成奏言臣等前在洛

陽壩等處擊殺多賊奪獲卡寨賊匪四散奔逃

復行陸續合夥竄赴太平縣屬地方並准宜綿
札令柯藩帶兵先赴太平縣防護臣等亦卽帶

兵星夜前進與柯藩同日馳抵太平賊復折由
青花溪一帶北竄查該處既可闖入方山坪又
可竄入陝省邊界其方山坪一帶現有百祥朱
射斗等在彼圍剿近聞宜綿又復帶兵前往諒
不遽致合併惟川陝邊界紛歧且李全係逆首

中極爲狡猾之賊此番屢被截剿仍復折轉狂奔揆其奸計似欲乘隙由川陝邊境東竄入楚與明亮德楞泰剿辦之賊合夥臣等一面札知署延綏鎮總兵田有成與漢道文需派撥兵勇在九元關要隘堵截一面差弁探得太平東北亭子廟一路山路雖甚險仄尙屬捷近隨卽督兵前進迎頭截擊本月初四日午刻前隊行至

距亭子廟四五十里之官壩塘地方據探馬報

稱馬步賊人約有數千分股前來離官壩塘街

市數里適官兵陸續趕來卽分投布置

臣惠齡

帶領副將穆維等在官壩塘街旁山坳埋伏

臣

恒瑞同富成督率巴圖魯侍衛等帶兵赴右邊

大林內埋伏

臣

慶成同六十七督率巴圖魯侍

衛等帶馬兵赴左邊大林內埋伏逆匪毫無知

覺騎賊在前步賊緊隨分三股吶喊搖旗直撲

官壩塘街市俟其將近

臣

慶成六十七先自左

邊帶領馬隊衝出

臣

恒瑞富成亦自右邊抄出

往來衝殺將賊隊截爲數段其中騎馬執旗賊

目十餘人催逼賊衆抵禦當被六十七射死一

人侍衛江鼎守備安慶各射死騎馬賊目一人

直隸把總陳明馬鎗擊死賊目一人殺斃賊匪

甚多騎賊拋棄馬騾爬山逃竄步賊力不能支

亦紛紛逃上大山

臣

惠齡卽率將備催趨步兵

沿山掩殺

臣

恒瑞慶成同富成六十七帶領官

兵分路截殺追剿二十餘里敗賊仍向亭子廟

一帶奔竄時已天晚雨霧迷漫暫令官兵紮住

此次殺賊九百餘名拏獲活賊十一名奪獲騾

馬一百餘頭器械數十件訊據活賊梁貴等俱

供李全等自大寧一帶折竄欲尋入楚之賊合
夥今在官壩塘猝被官兵截殺不知又由何路
繞去等語隨將該犯等分別梟示查臣等一路

除興肇訥音舒亮侍衛烏什哈達總兵德齡副
將凝德劉廷基叅將吉林泰等原帶健銳火器
兩營荊州滿營直隸山西湖北等處官兵業經
宜綿等先後分派川省堵剿外臣等及富成現

帶堪以打仗官兵五千餘名惟有儘此兵力取
道抄截不使逆匪稍有暇隙奏入

上命軍機大臣傳諭惠齡恒瑞慶成秦承恩曰此次
惠齡等在亭子廟一路追剿賊匪殺賊九百餘名
亦屬可嘉但並未擒獲首逆一人尙不滿意且據
稱賊匪被官兵擊敗後紛紛逃入大山惠齡等追
剿二十餘里餘匪仍向亭子廟一帶竄逃等語賊

匪竄入之大山究在何處亭子廟據稱在太平縣
東北自與陝省接壤與何州縣相近均未聲敘明
白並著詳悉具奏至陝省交界地方仍著秦承恩
妥爲防範惠齡等務須確探抄截勿令闖入萬不
得已仍遵令賊匪竄歸楚省以便與明亮等兩面
夾擊易於搜捕也

二十七日

癸亥

上諭內閣曰此次教匪滋事調派直隸河南山東山西官兵並派吉林黑龍江勁旅及察哈爾出青馬匹前往剿捕官兵等行走安靜不累閭閻又幸值連歲收成豐稔民間蓋藏充足辦理裕如實沐

天恩嘉祐是以民不知兵於過往差使踴躍從事而地方文武員弁沿途照料亦屬妥協自應量加甄敘直隸河南於調派本省官兵外復護送吉林黑龍

江官兵及察哈爾馬匹差務較繁梁肯堂景安均著交部從優議敘其沿途承辦各員著查明咨部一體分別優敘其山東山西雖止調撥本省官兵但辦理亦甚妥速伊江阿蔣兆奎著交部議敘所有沿途承辦各員亦著查明咨部議敘以示微勞
必錄至意

二十八日

甲子

額勒登保福寧奏言查林之華覃

加耀等當此萬分窮蹙之時尙復恃險抗拒計其山上所有之新包穀以及青荳各項亦將罄盡山嶺已成赤土斷不能久支時日惟此一帶山勢俱係巖壁卽懷抱窩坡坎之路亦屬陡削偏仄不能容立多人是以節次令官兵乘間放鎗作進擊之勢誘其下坡另設埋伏以便痛剿及數日之內賊仍匿而不出若再抽調官兵似

攻賊匪據險堆放木石轉受其累且恐各卡抽
撤官兵過多或致賊匪窺伺衝突他逸未免欲

速反遲

臣

等因於十四日密挑善能上山弁兵

鄉勇等五六十人令其各帶刀斧火彈繩梯令
於夜間不拘時候攀援而上是日三鼓後所派

兵勇陸續潛上懷抱窩山嶺突入賊卡亂行砍
殺並卽放火燒燬

臣

等聞喊聲不絕兵勇於放

火後卽覓道下山官兵放鎗接應賊亦不敢遽
下兵勇等共砍殺二三十人十五日又分派兵
勇一百餘人令其半夜另覓路徑抄出賊卡將
五鼓時火焰騰起割回首級三顆並稱砍死之
賊亦多早間察看燒燬賊卡三處嗣據總兵富
森布巴圖魯侍衛富蘭報稱十六日三鼓後有
賊匪於月明之下從大合山對面偷下長灘河

約二百餘人賊匪祇知大合山有官兵營卡不知長灘河山隙設有兩處伏兵我兵乘其過河時兩路出擊鎗箭齊發賊匪奔逃滾河及斃於鎗箭者甚多生擒賊目凌栢生一名賊匪向必學等三名訊據凌栢生供稱係覃加耀名下先鋒日來官兵圍逼甚緊夜間卡內連次被殺動輒驚慌林之華於十六早間在覃加耀營內商

議恐賊衆內有暗通官兵之人看來固守不住
計筭尙有好牙子手三千餘人祇可捨命衝出
另尋生路覃加耀說恐不能走脫商量令我等
帶領二百餘人從山溝陡坡牽曳而下繞上大
合山若衝得官兵營卡卽吹角號召衆人逃竄
若一時不能衝出卽分躲包穀地內覓路上山
等語向必學等供亦相同當俱凌遲處死

臣等

此時嚴飭將領等先以防堵爲要將領無不人
人警懼守禦甚密並飭令各路於營卡之外抽
兵埋伏並另飭備攻剿之兵置有蜈蚣梯繩梯
撓鈎等器具賊匪如欲逃遁亦必引其醜類如
號召攢集我兵亦可知其蹤跡總之見可擊之
處卽行乘虛進剿擒獲首逆

同日景安奏言現據探報賊匪距襄已三四百

里此時襄陽宜城南漳等處俱已肅清惟緣路
徑紛歧臣恐賊匪遁至明亮等後路或致被其

牽掣當令愛星阿王文雄各帶兵千名擇要分
投截堵屢獲竄匪俱有意欲偷渡漢江竄入豫
境之供沿江一帶早經派令文武員弁分帶兵
勇於北岸逐段設卡防守並往來江面提禁船
隻梭織巡查查山東兵現到千名其餘自可接

踵而至賽沖阿帶領頭起吉林官兵二百五十
餘名於一二日內可抵襄陽其後起吉林兵及
山西兵約計月內亦可趕到惟索倫官兵路途
較遠計程須九月初旬始能到襄至

恩賞出青馬八千匹亦須九月初間方能陸續前來

臣

查賊匪分股竄擾官兵被其牽掣分則勢單

聚則顧此遺彼現在明亮等大兵跟蹤追剿此

時臣若不待兵齊遽行前往倘賊匪抄道竄回

官兵全落賊後是以擬俟吉林官兵並馬匹到齊佈置妥協彼時相度機宜如賊匪竟復竄回

臣卽先帶吉林並山東山西河南官兵馳往迎

剿如賊已向西去遠仍俟索倫官兵到齊整隊

取路前進會同明亮德楞泰併力圍剿均奏入

上命軍機大臣傳諭明亮額勒登保德楞泰福寧景

安曰連日盼望額勒登保等擒兇提報至爲殷切
乃本日奏到之摺祇係派撥兵勇在懷抱窩山嶺
焚燒賊卡三處及長灘河地方截殺偷渡賊匪情
形又未拏獲賊首一人可謂無能深爲伊等羞之
額勒登保等在懷抱窩攻剿賊匪已閱多日屢稱
賊匪糧食已盡若果如所言賊匪自無從得食何
以支持至今且一經進剿仍能率衆抵禦豈有枵

腹多日尙能抗拒之理可見所奏殊不可信此次
派撥兵勇於夜間潛上山嶺突入賊卡焚殺未始
非攻其無備乘夜刦營之一計但旣用此策自當
多派兵勇出其不意乘夜進剿或竟將賊首擊獲亦
未可定乃僅派數十人豈能得力耶前據奏稱預
行伏兵故留一面誘賊下山截擊原爲制勝之道
乃賊匪仍前固守不肯下山墮我伏中自係額勒

登保等不能佈置嚴密被賊從高窺見以致計無
所施況此次長灘河地方賊匪曾經衝出額勒登
保等設有伏兵仍未能痛加剿殺所辦何事據獲
犯供稱賊匪尙有好矛子手三千餘人額勒登保
等所帶官兵不下七八千人兵力較賊兩倍有餘
似此曠日持久束手無策朕實爲額勒登保等慚
愧伊等亦自知愧奮否乎至景安奏俟吉林官兵

馬匹到齊相度機宜如賊匪竟復竄回卽先帶吉林並山東等省官兵馳往截剿等語所見殊屬錯誤前降諭旨以各路新調之兵務須全數齊集併力向一路圍剿原以得用好兵不可零星各處分撥今明亮等於均州一帶截剿賊匪最關緊要現在調派官兵接踵而至卽當令其陸續赴明亮等軍營剿賊正所謂併向一路若如景安所奏俟各

兵齊到再行帶領前進豈不失之遲緩著接奉諭
旨後卽儘吉林黑龍江先到兵速往均州一帶專
交明亮等以資剿賊之用景安止須在襄陽照料
防堵如該處有需兵力不妨於直隸山東山西各
兵內酌量留用至吉林黑龍江勁兵原爲剿賊派
往並非以之防堵試思漢江綿長千餘里若以三
千勁兵零星分派防禦仍屬不敷況景安旣駐襄

陽而漢江北岸光化一帶現有李奉翰督同張文
奇在彼巡防諒賊匪亦不敢復行北竄設經明亮
等剿敗又思回竄則吉林黑龍江兵自北而南正
資截擊何必在襄陽株守多時景安辦理拘泥著
傳旨申飭再馬匹一項係預備吉林黑龍江兵馳
驟之用若官兵分起進發而馬匹不緊隨前往非
惟不得其用且解送馬匹並無多兵護送萬一賊

人詭計探知馬匹在後或抄回搶掠豈不藉寇兵而資盜糧關係甚重此事專交景安妥協經理除吉林先到之兵豫省備有馬匹外其後起續到之吉林黑龍江官兵陸續進發朕意如每起官兵二百名可給馬四百匹俾途間替換乘騎馬力既不致疲乏而馬匹得官兵照料可免踈虞豈不一舉兩得著景安遵照妥辦如馬匹尙未全抵襄陽不

妨於南陽一帶卽酌量分撥護送并一面設法迎
催一面給發官兵前進務令官兵得馬匹之用而
途間又足資照料防護方爲妥善倘馬匹有被賊
搶掠之事惟景安是問明亮德楞泰一路士馬飽
騰聲威百倍務須倍加奮勉兜擒截擊將首逆齊
王氏姚之富王三槐等按名拏獲掃除餘孽迅勉
成功